

## Hatthavanagallavihāra vaṃso

Namo tassa bhagavato arahato sammāsambuddhassa

1. Snehuttarāya hadayā malamallikāya,  
Pajjālito matidasāya jinappadīpo;  
Mohaṇḍhakāramakhilaṃ mama nīharanto,  
Niccaṃ vibhāvayatu cāru padattharāsīṃ.
2. Laṅkābhisittavasudhādhipatīsu rājā,  
Yo bodhisattaguṇavā siriśaṅghabodhi;  
Tassāticāru cariyā racanāmukhena,  
Vakkāmi hatthavanagallavihāra vaṃsaṃ.
3. Brahmanvayenanugatattthamanomadassī,  
Khyātena sabbayatirājadhuraṇḍharena;  
Vyāpāritohamitibhānugataṃ kathañca,  
Nissāya pubbalikhitāṃvidha vāyamāmi.

4. Arṇṭha sugatāgamasudhāpagāniddhotakudīṭṭhivīsakalaṅkāya laṃkāya bhagavato  
aṅgīrasassamahānāgavanuyyāne samītisamāgatayakkha rakkhasalokavijayāpadānassa  
siddhakkhentaḥūto sīhaḷamaḥīmaṇḍalamaṇḍanāya māno  
vividharatanākaropalakkhamānamahagghamaṇi bhedo maṇi bhedo nāma janapado.

5. Laddhāna satthu varaṇaṅkamaṇāññalabbha,  
Mānaṇḍinā sumanakūṭasiluccayena;  
Ussāpitā vijayaketumatallikeva,  
Suddhoruvāḷukanadī yamaḷaṅkaroti.
6. Laṅkāya yakkhagaṇaṇīharaṇe jinassa,  
Cammāsanugganahunāsanaphassadāhā;  
Saṃsārarakkhasavapubbhavabubbulaṃca,  
Yasmiṃ vihāti mahiyaṅgaṇa thūparājā.
7. Sadāmahoghāya mahāpagāya,  
Pānīyapānāya samosaṭānaṃ;  
Samuccayo sāradaḷvāridānaṃ,  
Nūnaṃ gato thāvarathūparūpaṃ.
8. Tassāpagāya vimalambuni dissamāna,  
Mālolaḷvīcītaralaṃ paṭibimbarūpaṃ;  
Bhogehi veṭṭhiya nijaṃ bhavanaṃ phaṇīhi,  
Pūjatthikehi viya rājati nīyamānaṃ.

9. Tassa mahiyaṅgaṇa mahā vihārassa pariyaṅtagāmake selābhayo nāma khattiyo paṭivasanto  
puttaṃ paṭilabhivā aṅgalakkhaṇapāṭhakānaṃ dassesi te tassa kumārassa aṅgalakkhaṇāni oloketvā  
“ayaṃ kumāro khamakasatto nahoti. Dhaññapuññalakkhaṇasampanno, sakalampi sīhaḷadīpaṃ  
ekacchattaṃ karitvā mahantamahantāni acchariyabbhūtāni mahāvīracarītāni dassessatī”ti vyākariṃsu.

10. Tato selābhaya khattiyo puttassa abhisekādīsampattiṃ sutvā koṭippattapamodaparavasopi  
tasmīṃ kāle anurādhapure rajjaṃ kārayatā “vohāratissamahārājato kadāci keci upaddavo jāyissatīti.  
Jātapariśaṅkōtaṃ kumāramādāya mahiyaṅgaṇamahāvihāre bodhi aṅgaṇe parittagge sannipatitassa  
naṇḍamahātherapamukhassa mahābhikkhusaṅghassa majjhe nipajjāpetvā “eso me bhante kumāro  
mahāsaṅghassa ca mahā bodhipādassa ca saraṇaṃ gacchati taṃ sabbepi bhadantā rakkhantu  
saṅghabodhi nāmako cāyaṃ hotu”ti mahāsaṅghassa ca bodhi devatāya ca niyyādetvā paṭijagganto  
kumārassa sattavassika kāle kālamakāsi.

**11.** Atha mātulo naṇḍamahāthero kumārakaṃ vihāramānetvā paṭijagganto tepiṭakaṃ buddhavacanaṃ uggaṇhāpetvā bāhiraśatthesu ca paramakocidaṃ kāresi. Saṅghabodhikumāropi katādhikārattā tikkhapaññattā ca ñāṇaviññāṇasampanno hutvā vayappatto lokassa locanehinipiyamānāya rūpasampattiyā savañjalipuṭehi assādiyamānasadācāraguṇa sampattiyā ca pattha ṭa yasoghoso ahoṣi.

**12.** Kimiha bahunā?- Kādambinī kadambato siniddhanīlāyataguṇaṃdhammillakalāpe, paripuṇṇahariṇaṅkamaṇḍalato hilādakarapasādasommaguṇaṃ mukhamaṇḍale cāmīkarapiṇṇarakambuvarato medurodārabaṇḍhurabhāvaṃ gīvāvayave, kalyāṇasiluccayato saṃhata vilāsaṃ uratthale, surasādhisākhato pīvarāyatalalitarūpaṃ kāmadānapadānadva bāhuyugaḷe, samadagaṇḍhasindhurato gamanalīḥaṃ karākāradva hatthiyugaḷe, cārutaratharucirocamānacāmīkaramukurato tadākāraṃ sajanūmaṇḍale jaṅghayugaḷe, niccā sīnakamalā kamalato rattakomaḷadalaśiraṃ caraṇayugaḷe ādāya yojayatā pāramitādhmmasippitā nimmitassa paramadassanīyagarūpavilāsassa tassa attabhāvassa saṃvaṇṇanāganthagāravamāvahati.

**13.** Dehe sulakkhaṇayute navayobbanāḍḍhe,  
Tassujjale ca pasamāharaṇodayena;  
Kā vaṇṇanā kamalarūpini jātarūpe,  
Lokuttaraṃ parimalaṃ parito vahante.

**14.** Dosārayo hadayaduggapure vijjivā,  
Tatthābhisicca suhadaṃ viya dhammabhūpaṃ;  
Atthānusāsanimimassa vadaṃ girāya,  
Tatthappavattayi sudhī nijakāyakammaṃ.

Iti rājakumāruppatti paricchedo paṭhamo.

**15.** Athekadā mātulamahātherā vayappattaṃ sirisaṅghabodhi kumāraṃ dhammasavanāvasāne āmantetvā evamāha, “kumāra! Mahābhāgadheyya! Idāni tvamasi adhītasugatāgamo, viditasakala bāhiraśattho. Catubbidhapaṇḍiccoṭṭipatto, tathāpi abhimānadhane khattiyakule jāti, sabbapatthavyāpitā yobbanavilāsena samalaṅkataṃ sarīraṃ, appaṭimā rūpasiri, amānusaṃ balañceti mahatīya balavānaṅtha paramparā’sabbāvinayāna mekekampi tesamāyatanāṃ kimuta samavāyo?” “Yebhuyyena satthasālila vikkhālanāti nimmalāpi kālusiyamupayāni buddhī, anujjhithadavalatāpi sarāgāeva bhavati navayobbanagabbitānaṃ diṭṭhi, apaharati ca vātamaṇḍali keva sukkhapaṇṇaṃ ubabhutarajo bhanti atidūramattano icchāya yobbanasamaye purisaṃ pakati. Iṇḍriyabhariṇabhārinī sattamatidurantāya mupabhogamigataṅahikā tasmā ayamevānassādita visaya rasassa te kālo gurupadesassa. Madanasarappabhārajajjarite hadaye jalāmiva galati gurūnāmanussānaṃ akāraṇaṃchavati duppakati no kulaṃvā sutāṃ vā manayassa vaṇḍanappabhavonadahati kiṃ dahano? Kiṃvāpasamahetunāpi nātivaṇḍataro bhavati vaḍabānaḷo salilena, tasmā gāḷhatara manusāsītābboṣi.

**16.** Apagatamale hi manasi elikamaṇimhi viya rajanikaramayukhāpavisanti, sukhamupadesaguṇā, guruvacanamamalampi salilāmiva mahantaṃ jānimupajanayati savanahataṃ sūlamiva abhabbassa, bhābbassatu karino viya sabbābharaṇaṃmānanasobhāsamudayamadhikatara mupavahati, anādisiddha taṅhākasāyitiṇḍriyānucaraṅhi cittaṃ nāvahati kannāmānatthāṃ, tasmā rāja kumārānaṅca yatīnaṅca satibalena iṇḍriyavijayo diṭṭhadhammikasamparāyikambilaṃ kalyāṇajātātamupajanayati, iṇḍriyavijayo ca sambhavati guruvuddhopasevāya tabbavanamavirādhetvā paṭipajjato, tasmā tayā āpāṇapariyantāṃ vatthuttayasaraṇaparāyaṇatā na pahātabbā.

Na rāgāpasmāravibodhanaṃ visayadahanasālila saṃsevanaṃ kātabbaṃ, passatū hi kalyāṇābhinivesi cakkhūṇḍriyalāḷana paravasassa salabhassa samujjalita dipasikhāpātanaṃ soṭiṇḍriya sukhānuyuttassa taruṇa harīṇassa usu pātasammukhībhavanaṃ ghāṇiṇḍriya paravasassa madhukarassa madavāraṇakaṇṇatālabhannaṃ rasaniṇḍriyatappaṇavyasanino puthulomassa balisāghāsavyasanaṃ phassāṇḍriyānubhavanalālasassamataṅgajassavāriṇi baṇḍhanāpāyaṃ imehi iṇḍriyehi milītehi ekassa kāmīno sadideva pañcannaṃ, visayarāsānamupasevāya pattaḅbaṃ mahantaṃ dukkhajālaṃ kathamupavaṇṇayāma? Imāni ca subhāsītāni paccavekkhatu anukkhaṇaṃ vicakkhaṇo.

17. Nāgārikaṃ sukhamudikkhati kiñci dhīro,  
Jānāti dehapaṭṭijjaggaṇamatthatove;  
Saṃsevatopi yuvatim ratimohitassa,  
Kaṇḍuyane viya banassa sukhābhimāno.
18. Ko seveyya paraṃ poso avamānaṃ saheyyavava,  
Na ve kalattanigaḷaṃ yađi dukkhanibaṇḍhanaṃ.
19. Ākaḍḍhamānā cisikhā smipaṃ,  
Parammukhāyeva sadā pavattā;  
Dūrampi gacchanti guṇaṃ vihāya,  
Pavattanaṃ tādisameva thīna.
20. Asanthutaṃ tā purisampi anto,  
Karonti ādāyakaṭāva bhitti;  
Nettim savallī viya haṇthagāpi,  
Dasāsu sabbāsu ca saṅkanīyā.
21. Antoruddhā bahiddhāpi nissāsā viya nāriyo,  
Karonti nāsamevassa kodhīmātāsu vissase.
22. Mānasa pāpasamminnaṃ apāyā vivaṭā nanā,  
Samantā pāpamittāva makkho sabbabhayākathaṃ.
23. Api ca hadayatarukoṭara kuṭīro kodha kuṇḍalīna kadāci bahi kātabbo. Api tu'titikkhāmantena acipphaṇḍantaṃ upanetaḅbo.
24. Sataṃ titikkhākavace viguṇṭhitā,  
Siyuṃ durālāpakhagā khalānaṃ;  
Sabhāpasamsākusumatta metā,  
Nibajjhare tā guṇa mālikāya.
25. Lokādhipaccaṃ vipuledhane ca,  
Manonukūle tanaye ca dāre;  
Laddhāpi yāyeti na jātu titatiṃ,  
Bādhetu sātamaṃ na papañca taṇhā.
26. Vaṇṇappasādā yassā sukhāva,  
Dhanā ca hāyantupa jīvikāca;  
Yenābhībhūtāripuneva sattā,  
Dosaggi so te hadayaṃ jahātu.
27. Khedo vipattīsu paṭikirayā na,  
Tasmā na dīnappa katiṃ bhajeyya;  
Paññānuyātaṃ vīriyaṃ vadanti,  
Sabbattha siddhiggaṇaggahaṇthaṃ.
28. Vyāpārā sabbabhūtānaṃ sukhatthāya vidhīyare;  
Sukhañca na vinā dhammaṃ tasmā dhammaparo bhavā'ti.
29. Evamādikaṃ sappurisanītipathaṃ ādisante mahāthere tena kalyāṇadhammena asotabbatānādariyaracitabhukūṭika mukhena vā disācikkhittacakkhunā ca ahaṅkāraparavasena gajanimilitamubbhāvayatā vā attano paññādhikkhepamivaca acintayatā culāvinihitakomaḷañjalipuṭena tanninna, tapponena sirasā ca pīti samudita sādhuvađavikasitakapolenamukhena ca. Sakalāvayavacitthaṭaromañca kañcukitena dehena ca bhūmiyaṃ nipajjitvā dīghappamāṇa pamāṇa māvarattāmaggaḷalābhatoviya visiṭṭhataraṃ pamuditamāvikatamāsi.

Iti anusāsana paricchedo dutiyo.

**30.** Tato paṭṭhāya yathāvuttapaṭipadaṃ avirādhētṵ samāvaraṇena santuṭṭho tassa saṅghabodhi samaññaṃ gopetukāmo mātulamahāthero dhammikoti vohāraṃ paṭṭhapesi.

**31.** Lakkhaṇapāṭhakānaṃ vacanaṃ saddahanto bhāgineyyaṃ pabbajitukāmaṃpi apabbājetvā “idha vāsato anurādhapure vāsoyeva kumārassa yogakkhemāvaho, puññānurūpena jāyamānassa vipākassa ca ṭhānaṃ hoti, mahācetiyaṃ vattapaṭivattasamācaraṇena mahanto puññakkhaṇḍho sampajissati”ti maññaṃāno taṃ kumāramādāya gacchanto anurādhapuraṃ gantukāmo nikkhami. Saṅghatissogoṭhābhayoti ca lambakaṇṇā rāja kumārā aparepi duce tassa paṃsukīlanato paṭṭhāya sahāyātena kumārena saddhiṃ nikkhamiṃsu te tayo kumāre ādāya gacchanto mahāthero puretameva anurādhapuraṃ pāvīsi. Mahātheramanugacchantesu tesu kumāresu jeṭṭho saṅghatisso majjhimo saṅghabodhi kaniṭṭho goṭhābhayoti te therāṃ pacchato anugacchantā tayopi paṭipāṭi yā tissavāpiyā setumatthakena gacchanti.

**32.** Tattha setusālāya nisinno koci aṇḍhovicakkhaṇo tesāṃ tiṇṇantaṃ kumārānaṃ padaviññāsaddaṃ sutvā lakkhaṇānusārena upaparikkhipitvā “ete tayopi sīhaḷadīpe pathavissarā bhavissantī”ti tattha nisinnānaṃ vyākāsi. Taṃvacanaṃ pacchā gacchanto goṭhābhayo sutvā itaresāṃ gacchantānaṃ anivedayitvā paccāgama “katamo ciraṃ rajjaṃ kāressati? Caṃsaṭṭhitiṅca karoti”ti? Pucchitvā pacchimoti vutte haṭṭhapahaṭṭho udaggudaggo sīghataṃ āgama tehi saddhiṃ gacchanto tikhiṇa mantitāya gambhīrabhāvato ca kañci ajānāpetvā antopuraṃ pāvīsi. Te tayopi patirūpe nivāse vāsaṃ gaṇhiṃsu.

**33.** Atha kaniṭṭho “ete dvepi appāyukattā rajje patiṭṭhitāpi na ciraṃ jīvanti kira ahameva tesāṃ rajjaṃ dupessāmi”ti tadanurūpena upāyena paṭijjanto tesāṃ rajjalābhāya upāyaṃ dassento abhiṇhaṃ matteti. Jeṭṭhopi tasmiṃ atipiyāsamaṇo tenopadiṭṭhameva samācarantorājānaṃ disvā laddha sammāno sabbesu rājakicesu pubbaṅgamo hutvā na cirasseva rājavallabho ahosi? Tasmiṃ kāle rajjaṃ kārento vijaya rājā nāma khattiyō tasmiṃ pasanno sabbesu rājakicesu tamameva padhānabhūtaṃ katvā senāpatiṃ akāsi.

**34.** Dhammiko pana rajjena anattikatāya rajjalābhāya cittampi anuppādetvā kevalaṃ mahātherassa anusāsanamatteneva rājupaṭṭhānavelāyaṃ anucaraṇamattamācaranto rājagehaṃ pavisitvā tato tehi saddhiṃ nikkhamma sāyaṃ mahā therassa vihāreyeva vasanto attano dhammikānuṭṭhānaṃ ahāpetvā mahācetiyo paṭṭhānagilānupaṭṭhānādikaṃ anavajja dhammaṃcaranto kālaṃ vītināmeti.

Tadā saṅghatisso sakalaraṇṇa puraṇca attanohatthagataṃ katvā ekasmiṃ dine laddhokāso rājānaṃ antobhavaneyeva goṭhābhayena mārāpetvā sayāṃ rajje patiṭṭhati.

Iti anurādhapurappavesaparinchedo tatiyo.

**35.** Atha goṭhābhayo dhammikaṃ anicchāmānaṃpi senāpatiṭṭhāne ṭhapetvā āyatim apekhamāno sayāṃ bhaṇḍāgāriko ahosi. Atha saṅghatisso rājā bahuṃ puñña apuñña pasavanto jambuphalapākakāle saseno sāmacco sabhorodho abhiṇhaṃ pācīna desaṃ gantvā jambuphalāni khādati. Rañño yebhuyyena gamaṇā gamaṇena upaddutā raṭṭhavāsino rājupabhogārahesu jambuphalesu viṣaṃ yojesuṃ. Atha so saṅghatisso rājā tena visena tattheva kālamakāsi.

**36.** Atha goṭhābhayo aṇḍhavicakkhaṇassa vacanaṃ anussaranto anukkamena rajjaṃ dāpetvā pacchā ahaṃ suppatiṭṭho bhavissāmi”ti maññaṃāno sāmacco saseno saṅghabodhikumāraṃ rajjena nimantesi. So temiya mahābodhisattena diṭṭhādīnavattā rajjasukhāpariccāgānubhūtaṃ mahantaṃ dukkhajālaṃ anussaritvā punappunaṃ yāciyamānopi paṭikkhipiyeva abhayo gāmanigamarājadhānisu sabbepi manusse sannipātetvā tehi saddhiṃ nānāppakāraṃ yācamānopi sampatiṭṭhāpetuṃ nāsakkhi. Atha sabbepi raṭṭhavāsino sāmaccamahāvihāraṃ gantvā mahā saṅghaṃ sannipātetvā saṅgha majjhe saṅghabodhikumāro mahā saṅghaṃ bhūmiyaṃ nipajja namassitvā laddhokāso ekamantaṃ nisīditvā evaṃ vattumārabhī.

**37.** Ayañhi rājakkhīnāma yathā yathā dīppate, tathā tathā kappuradīpasikheva

kajjilammalinameva kammajātaṃ kevalamubbamati. Tathāhi ayaṃ saṃvadhanavāridhārā taṇhāvisavallīnaṃ, nenāda madhurabhītikā ayaṃ iṇdriyamigānaṃ, parāmāsadhumaḷekhā sucarita cittakammaṣṣa vibbhamaseyyā mohaniddānaṃ timiruggati paññādiṭṭhīnaṃ, purassarapatākā avinayamahāsenāya, uppattininnanā kodhavega kumbhilānaṃ, āpānabhūmi micchādiṭṭhivadanaṃ. Saṃgīti sālā issariya vikāranātakānaṃ āvāsadarīdosāsivisānaṃ, ussāraṇavettalatā sappurisavohārānaṃ, akālajadāgamo sucarita haṃsānaṃ, patthāvanā kapaṭanātakānaṃ, kadalikā kāmakarino vajjhavālā sādhubhāvassa, rāhumukhaṃ dhammacaṇḍa maṇḍalassa, nahi taṃ passāmi yohi aparicitāyāpi etāya nibbharamupagulho na vippaladdho, apica, abhisekasamaye rājaññānaṃ maṅgalakalasajalehi viya vikkhālanamupayāti dakkhiññaṃ aggihutatadhumeneva malinībhavati hadayaṃ purohita kusagga samajjatena viya apaniyate titikkhā, uñhisa paṭṭa baṇḍhanena viya chādīyati jarāgamadassanaṃ, ātapatta maṇḍalena viya tirokarīyati paralokāpekkhaṇaṃ, cāmarapavanena viya duramuddhuyate saccādītā vettalatāppahārena viya duramapayanti sagguṇā eke rajjasiri madirā madamattā sakatthanipphādanaparehi dhanapisitāghāsagijjhehi sahānalīnībakehi dūtaṃ vinodananti, paradārābhigamaṇaṃ viddhatāti, mīgavana pariṣsamoti, surāpānaṃ vilāsoti, niccappamattatā, surabhāvoti sadārappiccāgaṃ avyasanitāni, guruvacanāvadhīraṇaṃ aparappaneyattamiti ajitahaccataṃ sukhopasevattamīti, naccagīta gaṇākānusatti rasikatehi paribhavasahattaṃ khameti, serībhāvaṃ paṇḍicāmīti vaṇḍijana navacanaṃ yaseṃghosoti taralatā ussāhoti. Avisesaññuttaṃ apakkhapātittamīti? Eva dosagaṇampi guṇapakkhe ajjhāropayantehi sayampi anto ha santehi patāraṇakusalehi dhuttehi amānusocitāhi thomānāhi patāriyamānā, cittaṃmadamatta cittaṃ nicceta na tāya tatheti attani ajjhāropayantā alikābhimānaṃ maccadhammasamānāpi dibbaṃ sāvatiṇṇamiva amānusamiva attāna maññamānā āradhadibbocitakirayānu bhāvā sabbajano pabhasaniya bhāvamupayanti. Atta milambanañca anu jīvījanena karīyamānaṃ abhinaṇḍanti.

**38.** Mānasā devatājjhāropanappatāraṇa sambhūta sambhāvano pahatañca anto pavīṭṭha aparabhujayugaṃ viya attano bāhuyugaṃ sambhāvayanti. Tacantarita locanaṃsakalalāṭa māsaṃkanti, alikasambhāvanābhimānabharitā na namassanti devatāyo na pūjayanti samaṇa brāhmaṇe na mānayanāti mānanīye, na upatīṭṭhanti gurudassanepi anattakāyā sāntarīta, visayo pabhogasukhāti apahasanti yatino? Jarābhi bhavapalapimīti na suṇanti vuddhajanupadesaṃ, attano paññā paribhavoti ususanti sacivo pahesassa, kuñjanti ekanta hitavādināṃ evamādinā kākaṇena bahunnaṃ dosānaṃ mākara bhūtaṃrajjīvibhavaṃ ayaṃ na icchāmi'ti avoca.

**39.** Atha mahājanena sādara majjhesito mahāsaṅgho kumārābhīmukho hutvā “mahābhāgadheyya! Thanacucuke laggitājāluka tikkhaḍasanenatattha vedanuppādayanti lohitameva ākaḍḍhati, dārako pana komalena mukhapuṭenamātu sukhasaññaṃ uppādayanto khīrameva avheti.

**40.** Evameva rajjavibhavaṃ patto adhīro bālo bahuṃ apuññaṃ sañciṇāni, medhāvi dhirapuriso pana āyusaṅkhārassa dubbalattañca dhanasañcayassa nissārattañca paññāya upa parikkhitvā dasa kusalakammāni pūrento tādīsena mahatā bhogakkhaṇḍhena mahantaṃ kusalarāsīṃ upaciṇāti, tvamasikatādhi kāro mahāsattadhuraṇḍharo, etādisaṃ puññāyatanaṭṭhānaṃ laddhā dhammena samena lokaṃ paripārento sugatasānaṃ paggaṇhanto dānapāramikoṭippattaṃ katvā pacchā abhinikkhamaṇaṇca karonto bodhipakkhiyadhamme paripācehi'ti anusāsi.

**41.** Atha so mahajjhāsāyo purisavaro mahāsaṅghassa anusāsaniṃ madditu masamaṇṭho adhivāsesī. Anantarañca mahājanakāyo saṅghassa anuññāya sakalaṃ sīladīpaṃ ekacchattaṃ katvā abhisiṇciya dhammika siriṣaṅghabodhirājāti vohāraṃ paṭṭhapesi goṭṭābhayañca senāpatiṭṭhāne ṭhapesi.

**42.** Dānaṃ adā dhārayi niccasilāṃ,  
Vahī titikkhaṃ bhaji appamādaṃ;  
Pajā hitajjhāsaya sommarūpo,  
Dhammo ca so viggabhavā virocī.

**43.** Viññāya lokassa hi so sabhāvaṃ,  
Padhānavattānu gatippadhānaṃ;  
Nidhātukāmo jantāsu dhammaṃ,  
Sayampi dhammā varaṇamhi satto.

Iti rajjābhiseka paricchedo catuttho.

44. So rājā mahā vihāre mahaggha mahāvisālaṃ salākaggaṃ kārāpetvā anekasahassānaṃ bhikkhūnaṃ niccaṃ salāka bhattaṃ paṭṭhapesi. Mātulamahātherassaṃca sakanāma dheyvena mahantaṃ pariveṇa vihāraṃ kārāpetvā anekehi kappiyabhaṇḍehi saddhiṃ saparivāra veṇā kāni gāmakkhettāni saṇasaparibhogārahāni katvā dāpesi sattameva nisīthakāle rahogato mahābodhisattassa dukkaracaritāni sallakkhento tādisāpadānaṃ attani sampādetumāsiṃsi. Tathā hi

45. Dehīti vatthumasukaṃ gaditotthikehi,  
Nālaṃ kathetumha natthi na demicāti;  
Citte mahākaruṇāya pahaṭāvakaśāva,  
Duraṃjagāma viya tassa bhavatthu taṇhā.

Evamamhākaṃ bodhisattassa viya bāhira vatthupariccāgamahussavo kadā me bhavissatīti ca,

46. Ānīyate nisita satthanipātanena,  
Nikkaḍḍhate ca muhu dānhavāyaryatā;  
Evaṃ punappuna gatāgatavegakhinnaṃ,  
Dukkhaṃ na tassa hadayaṃ vata pīlayittha.

Evaṃ kirassa mahāsattassa maṃsa lohitādi ajjhattikavatthudānasamaye dukkhavedanā manāṃ na sambādhesi. Mamāpi īdisaṃ ajjhattika dānamahāmaṅgalaṃ kadā bhavissatīti ca.

47. So saṃkhaṇḍapālabhūjago visavegavāpi,  
Sīlassa bhedanabhayena akuppaṃmāno;  
Icchaṃ sadehaharavābhijane dayāya,  
Gantuṃ sayāṃ apadatāya susocanūnaṃ.

Evaṃ sīla rakkhanāpadānasiriṃ kadā viṇḍāmīti ca,

48. Piveyya thaññaṃ amatañca bālo,  
Vuddhiṃ gato sova jigucchite taṃ;  
Sa jātu evaṃ anubhūya rajjaṃ,  
Ñāṇassa pāke satataṃ jahāti.

Evaṃ mayāpi acirasseva avassaṃ abhinikkhamaṃ kātābanti ca,

49. So senako dvijapasibbakasāyisappaṃ,  
Aññāsi dosakalusāya dhiyābbhutaṃtaṃ;  
Kā vaṇṇanāssa khalu dosaviniggaṭāya,  
Sabbāññutāya dasapāramisādhitāya.

Evaṃvidhā kalyāṇañāṇasampatti kadā me samijjhissatīti ca,

50. Vālena so kisakalaṇḍakajātiyampi,  
Ussiñcituṃ salilamussahi sāgarassa;  
Taṃ muddhatāya na bhave matiyā mahanyā,  
Sampādanāya bhimatassa samatthatāya.

Evaṃ vidhāya vīriyapāramiyā kadā bhājanaṃ bhavissāmiti ca

51. Kalāburājena hi khantivādi,  
Vadhaṃ vidhāyāpi atittakena;  
Hate padenorasi khantisodhe,  
So kūṭasaṇḍhiggahaṇaṃ bubodha.

Evam vidhāya khattipāramiyā attānaṃ kadā alaṃkarissāmiti ca

52. Micchābhiyogaṃ na sahiṃsu tassa,  
Rāmābhīdhānassapi pādūkāyo;  
Saccañcayā nāññamabhāsīdhīro,  
So saccasaṇḍho catusaccavādī.

Ahampi īdisena saccapāramitābalena sabbalokassa catu saccāva bodhana samattho kadā bhavissāmiti ca

53. So mugapakkha vidito siribhīrukāya,  
Mukādīkaṃ vatavidhiṃ samadhiṭṭhahitvā;  
Taṃ tādīsa anubhavaṃ asahampi dukkhaṃ,  
Yāvābhīnikkhammabhedi adhiṭṭhitamno.

Evam ma māpi adhiṭṭhāna pāramitāya pāripūrī kadā bhavissatīti ca

54. Mettānubhāvena sa lomahaṃso,  
Pemānubaddhena sabīkaronto;  
Satte samattepi ca niccaverī,  
Saddaṃ viruddhatthamakāsi dhīro.

Ahampi evamvidhāya mettāpāramitāya koṭippatto kadā bhavissāmīti ca.

55. So ekarājā vidito samacittatāya,  
Mānāvamāna nakaresu tulāsarūpo;  
Tosañca rosamanupecca bhajī upekkhaṃ,  
Sabbattha pītivikatī hatacetanova.

Evam ahappi upakkhāpāramitāya kadā sabbasādhāraṇobhavissāmiti ca niccaṃ cintesi.

Iti pāramitāsīmsana paricchedo pañcama.

56. Evamanavajjadhammena rajjaṃ kārente tasmīṃ kadāci kenacipajānaṃ akusala vipākena-

Jāṭhara piṭṭharabhārakkantavaṅkorujāṇu,  
Sajala jalada kuṭākāraghororukāyo;  
Kuṭīlakāṭhinadāṭhakoṭīsaṇḍatṭhahaṇḍo,  
Navadivasakarakkho rakkhasodipamāga.

57. So tesu tesu gāmapariyantesu nisīdati, ye ye manussā tamāgamma taṃ rattakkhamudikkhanti tesam akkhini rattāni bhavanti. Taṃ khaṇeyeva rattakkhamārako nāma jararogo pātubhavitvā māreti.

58. So yakkho matamate nirāsanke khādāti. Taṃ yakkhaṃ adasvāpi ye ye narā tenāturā te te passanti, tepī so rogo āvisati. Evam na cironavayakkhabhayena rogena ca janapado viralajano jāto.

59. Rājā taṃ pavattīṃ sutvāmayi rajjaṃ kārente pajānaṃ īdisassa bhayassa uppajjana ananucchavikanti maññamāno tadaheva aṭṭhaṃga sīlaṃ svādiyitvā attanā niccaṃ karīyamānāni dasakusalakammāni anussaritvā ahaṃ dhammavijayi bhavissāmīti taṃrakkhasaṃ ādisvā na uṭṭhahissāmīti dalhataraṃ adhiṭṭhāya vāsagabbhe sayi. Tassa tena ācāra dhammatejena rājānubhāvena ca so rakkhaso santatto uttasitvā khaṇampi ṭhātuṃ asahanto ākāsenā gantvā balavapaccusa samaye antogabbhaṃ pavisitumasakkonto bāhire ṭhatvā rañño attānaṃ dassesi. Rañña ca kositvanti puṭṭho āha. Rattakkho nāmāhaṃ rakkhaso durajanapadesmiṭhito, ahaṃ khaṇampi ṭhātuṃ asakkonto tavānubhāvena baddhoviyaḥutvā idhānīto? Bhāyāmi deva tava dassananti.”

60. Atha rājā sayanato vuṭṭhahitvā sīhapañjaraṃ vivaritvā oloketvā are! Jamma! Mma visayagate

manusse kasmā? Khādayīti. Mahārāja tava visaye mayā māretvā ekopi khādito natthi, apitumatakalebaram sonasigālādīnam sādharma bhakkhabhūtam khādāmi, na me koci aparādho atthi, atthi ce rājadaṇḍo mayi vidhīyatū’ti vatvā pavedhamāno niccalabhāvena tātūm asakkonto bhayavegena jātalomahaṃso sānunayameva māha. “Devassa raṭṭhamthitam dhanadhañña samiddhisampuṇṇam devassa dhana vassena sampuṇṇamāno rathā manussā, idāni yācakāpi bahutarā na honti, aha mīdisam raṭṭham patvāpi aladdhagocarō aparipuṇṇamanoratho jato pipāsītova hutvā dīna bhāvena jīvikaṃ kappemi, tathā īdisam bhayaṃ pattomhi abhayaṃ me dehi mahārāja’ti.

**61.** Atha rājā tassa dīnavacanaṃ sutvā karuṇāya kampitahadayo “mā bhāyitvaṃ rakkhasa! Abhayaṃ te dammi icchitaṃ tevadā’ti āha. Evaṃ rañño rakkhassaca aññamaññehi saddhiṃ sallapannānaṃ saddaṃ sutvā antogatā anucarā rājānaṃ parivāresuṃ, atha kathānukathāya rakkhaso “agato rañña saddhiṃ sallapatī’ti sutvā sabbe amaccā ca nāgarā ca senā ca sannipatitvā rājāṅgaṇaṃca rājā bhavanaṃca pūretvā aruṇe uggacchante mahantaṃ kolāhalamakamsu.

**62.** Atha sorakkhaso sannipatitaṃcaturaṅgabalaṃca āyudha hatthaṃ aneka sahasayodhabalaṃca disvā ativiya bhīto tātūna rañño āṇattibalena gattuṃ kimapi bhāṇitūna na sakkoti, rājā tadavatthaṃ taṃ disvā laddhābhayosi imacchitaṃ te kathehi’ti āha, dhammiko rājā na me kiñci bhayaṃ uppādessatīti nītvā rājānameva māha “devo jānātiyeva sabbesaṃ sattānaṃ āharaṭṭhitikataṃ, tathāhi uddhalokavāsino deva sudhābhōjanena pīṇitā jīvanti, adhe lokavāsine nāgā bhēkabhōjanena suhitā vasanti manussā khajjakādīnānāvīdhena āhārajātena pīṇitā jīvanti. Amhādisā yakkha rakkhasādayo pana maṃsalohi sassādato tussanti? Tesvaha maññataro chāte ca pipāsīte ca tādīsaṃ karuṇāparāyaṇaṃ mahāpurisaṃ disvāpi aparipuṇṇamanorato maṇḍabhāgadheyyo socāmi’ti āha.

**63.** Tanutcamavoca “matakalebarāni khādītva vasāmi’ti saccam mahārāja! Matasarīraṃ sukkaṇṇaṃ viya nīrasaṃ kiṃ metāya dujjavikāya pasīda deva! Varaṃ me dehi nava visayethita manusso eko janapado gocarattāya me dīyatu, tattha manussānaṃ anapagatuṇhavegaṃ jīvarudhiraṃca jīvamaṃ saṃca khādītva ciraṃ sukkena jīvītuṃ sakkā’ti āha. Atha rājā arepāpima! Rakkhasa! Nāhaṃ paṇavadhaṃ anujānissāmi cajetaṃ tava gāhāvīkāraṃti. “Tenahi dine dine ekaṃ manussabalimdehi’ti. Jīvalimekampī na demīti vutte “sacca menaṃ maṃdisāna kappa rukkhāpi avakesino jāyantīti hā hatosmi kimahaṃ karomī’ti visāda dinnayano dummukho dōmanassappatto appaṭṭhāsi.

**64.** Atha tassa nariṇḍassa karuṇābhūyasi taṃ jāyamānā manotassa viratyā vyākulaṃ akāsi. Atha rājā evaṃ pari vitakkesi.

**65.** Nānussarāmi vata yācitu māgatānaṃ,  
 Icchāvighāta paritāpa hatajjuṭṭi;  
 Hemanta nibbahimamāruta nissirīka,  
 Paṅkerubhehi sadisāni mukhāni jātu.

**66.** Etassa rakkhassa paresaṃ dukkhamā pādayitūm na kadāci sakkā, ahaṃca ajjhattika dānaṃ kadādasāmiti patthemī, tadidaṃ pattakakālaṃ jātaṃ, saka sarīrassa ahameva issaro, mama maṃsalohitena etaṃ santappayāmīti kata nicchayo amacce āmantetvā evamāha.

**67.** Imaṃ sarattaṃ piyitaṃ sarīraṃ,  
 Dhāremi lokassa hitattha meva;  
 Ajjātittheyyatta mupeti tañce,  
 Ato paraṃ kiṃ piya matthi mayhaṃ.

Amaccā evamāhaṃsu ekassa rakkhassa atthāya sakala lokaṃ anāthikattu micchato koyaṃ dhamma maggo devassa atha rājā evamāha.

**68.** Nicco pahogassa dhanassa cāpi,  
 Na yācake daṭṭhu mahaṃ labhāmi;  
 Evaṃ vidhaṃ atthi janantu laddhuṃ,  
 Na devatā rādhanāyapi sakkā.

69. Apetha tumhe na me dānantarāyaṃ karoṭhā'ti āha. Atha amaccā yadicāyaṃ nicchayo apariccajanīyo amhesu ekeka meva dine dine rakkhassa balikammāya hotūti āhaṃsu. Atha rājā “ahameva jīvanto evaṃ nānājānissāmi”ti sallakattam sīghaṃ ettha ānehīti saṃvidhahi. Atha tattha samāgatā sabbe janā taṃ pavattiṃ sutvā tassa guṇe anurattā sokena kampamānā taṃ patiṭṭhitena paṭighena atī kuddhā viṣuṃ viṣuṃ evamāhaṃsu.

70. Eso rakkhaso sīsacchedamarahatīti keci, kāla megga sadisa metassa mahā sarīraṃ aneka satānaṃ sarānaṃ tuṇirabhāvaṃ netumarahatīti keci, anekesaṃ khepana satthānaṃ lakkhabhāvaṃ mupanetuṃ yuttamīti ca pare, asikadalikīlāya vajjhoyamīti añño telacolena veṭhetvā mahatā pāvakena ujjāletvā dahitabboyamīti apare, idaṃ sabbaṃ rājānānu jānāti. Imaṃ asappurisaṃ jīvagāhaṃ gahetvā rajjūhi guḷapiṇḍaveṭhanaṃ veṭhetvā baṇḍhanāgāre pakkhipi tabbanti aññe evamevaṃ tattha bahudhā kathentānaṃ kaṭukataṃ vadha vidhānaṃ yakkho sutvā tasīto militakkhamatadeho viya niccalova ṭhito, atha so rājā “ehi sakhe rakkhasa! Mahopakāra karaṇa bhūta!

71. Deyyañca dānappavanañcacittaṃ,  
Atthi tuvaṃ lohita maṃsakāmī;  
Sametu metaṃ hitāya durāpaṃ,  
Mano ratho sijjhatu no ubhinnanti.

Vatvā “mama sarīrato dīyamānaṃ jīvamamsaṃ jīvarudhirañca mayi anuggahena sampaṭicchā'ti rakkhassa vatvā sallakattābhimukhaṃ dakkhiṇabāhuṃ pasāresi maṃsakattanāya.

72. Atha so yakkho ubho kaṇṇe pidhāya santaṃ pāpaṃ paṭihatamamaṅgalaṃ rañño sotthi bhavatu, kimidamāpatitaṃ mahatā me pāpa vipākena jīvatu micchato visabhojanamicca, ātapatilantassa dāvaggi parikkhepo viya ca yadī idiso me saṃkappa mahārāje samujjo yeyya deva daṇḍo me sirasi addhā patatūti, lokapālāpi me sīsaṃ chiṇḍanti nāha mevaṃ vidhamaparādhaṃ karissāmi'ti na sampaṭicchī,

73. Atha rājā tena hi yakkha! “Kiṃ te mayā kātabbanti'ti āha. Atha so rakkhaso mahājanānaṃ vadha vidhānena rañño ānāya ca bhīto santatto “deva! Nāha maññaṃ patthayāmi kintu itoppabhūti rājārahena bhojanena gāme gāme upahārabaliṃ laddhukāmomhi'ti āha atha rājā “evaṃ karontu raṭṭhavāsino”ti nagareva sakala raṭṭhe ca bheriṃ carāpetvā pānātipāta viramaṇāya ovaditvā naṃ yakkhaṃ uyyojesi.

Iti rattakkhidamana paricchedo chaṭṭho.

Atha kadāci vassādhikatānaṃ devatānaṃ pamādena avaggaho pāturahosi.

74. Nidāghavegena ravi patāpi,  
Uṇhābhittā pacano baro ca;  
Jarāturevāsīrā dharā ca,  
Piviṃsu te sabbadhi sabbima mbu.

75. Anetābhusuṇehana vipaccamāna,  
Sanīssanamebhāhariteva vāṭī;  
Tibbātapakkattavanantarājī,  
Runākulā khāyati vīrikānaṃ.

76. Vassānakālepi pabhākarassa,  
Patāpasantāpitamantalikkhaṃ;  
Samācittaṃ paṇḍaravāridehi,  
Savaṇḍanālepamivātirocī.

77. Evaṃ mahatā gimhavipphuraṇena nadītaḷākasobbhādīsu sikatākaddamāvasesaṃ sositesu kedāresu mata sassesu bahudhā eḷitabhūmibhāgesu salilabhāvena kilantesu miḡapakkhisu taṃ pavattiṃ sutvā rāja karuṇāya kampitahadayo aṭṭhaṅgasīlaṃ samādiyitvā mahācetiyaṅgaṇamāgamma yāva devo

sabbattha vittha tāhi saliladhārāhi sakala laṅkāḍīpaṃ pinento vassaṃ vassitvā mahatā udakappavāhena maṃ na plavayissati maramānopi tāva na uṭṭhahissāmīti daḷhataraṃ adhiṭṭhāya tattha silāpatthare sayi.

**78.** Taṃkhaṇe tassa raññe dhammatejena cakitānaṃ guṇappabaṇḍhena ca pasantānaṃ devanāgayakkhānaṃ ānubhāvena samantato vassavalāhakā uṭṭhahiṃsu tathā hi.

**79.** Dīghāminantāva disāpayāmaṃ,  
Vitthārayantāva tamaṃ sikhāhī;  
Chāyā girīnaṃ viya kāḷameghā.

**80.** Gambhīradhīratthanitā payodā,  
Tahiṃ tahiṃ vassitumārabhiṃsu;  
Samunnadattā sikhino kalāpaṃ,  
Saṇḍhārayuṃ jattamicuttamaṅge.

**81.** Muttākalāpā viya tehi muttā,  
Lambiṃsu dhārā pasamiṃsu reṇu;  
Gaṇḍho subho mediniyāvacāra,  
Vitaññamāno jaladānilena.

**82.** Jutīhi jambunadapippharāhi,  
Muhuṃ disante anura jayanti;  
Meghassanālituriyānuyātā,  
Vijjullatā naccamivācarīṃsu.

**83.** Kodhena rattā viya tambavaṇṇā,  
Ninādavanto jayapītiyāva;  
Gavesamānā viya gimhaveriṃ,  
Vyāpiṃsu sabbattha tadā mahoghā.

**84.** Evaṃvidhe vasse pavattesi rājā namaṃ mahogho uppilāpadhīti na uṭṭhāsiyeva atha amaccā cetiyaṅgaṇe jalaniggamaṇāliyo thakeseṃ anto sampuṇṇavāripūro rājānaṃ uppilāpesi. Atha so uṭṭhāya cetiyassa mahussavā vidhāya rājabhavanameva gato.

**85.** Tato adaṇḍena asatthena rajjamanusāsato rañño accantamudramānasattaṃ viditvā unnaḷā keci manussā gāvavilopādīkaṃ ācarantā corā ahesuṃ taṃ sutvā rājā te core jīvagāhaṃ gāhāpetvā baṇḍhanāgāre khipitvā rahasi tesāṃ ratanahiraññādīkaṃ datvā mā evaṃ karothāti ovaditvā palāpetvā rattiyāṃ āmakasūnato chavarūpe ānetvā corahiṃsaṃkārento viya agginā uttāpetvā nagarato bahi khipāpesi evaṃ corabhayaḍva apanetvā ekadā evaṃ cintesi.

**86.** Kimanena rajjavibhavana, indaṃ paripuṇṇaṃ sakosaṃ sapaṇaṃ sahorodhaṃ sāmaccāṃ sakhavāhanaṃ rajjaṃ kassaci dānarūpena datvā vanaṃ pavisitvā sīlaṃ samādāya kāyavivekaṃ cittavivekaḍva sampādetuṃ vaṭṭatīti abhinikkhamaṇe ratiṃ janesi. Tadā goṭṭhābhayaopi evarūpaṃ pāpavitakkaṃ uppādesi. Esa rājā dhammiko sadācāraḷakusalo patidivaṃsaṃ vīdhīyamānehi dasavidhakusalakammehi āyusaṃkhāropissa vaḍḍhāti upapīḷakakammānīca dūramaṇapayanti. Tatoyeva cirataraṃ jīvissati etassa accayena kadāhaṃ rajjaṃ labhissāmi rajjaṃ patvāpi vaḍḍataro āhaṃ yuvajanasevaṇīyaṃ visayasukhaṃ kathamaṇubhaviṃssāmi sīghamīmaṃ ito palāpetvā rajje patiṭṭhahissāmīti cintetvā bahuṃ sārādhanamādāya uttaradvārato nikkhamitvā pubbacore sannipātetvā balakāyaṃ gahetvā āgamma nagaradvāraṃ gaṇhi taṃ pavattiṃ sutvā rājā ‘‘rajjaṃ kassacidatvā abhinikkhamaṇaṃ karissāmīti katasanniṭṭhānaṃsa mama ayaṃ kenaci devānubhāvena sannidhāpito maññe amaccā mayaṃ ananumatāpi purāyujjhitumāra bhanti evaṃ sati maṃ nissāya ubhayaṃpakkhagatassa mahājanassa vipulaṃ dukkhaṃ ‘‘bhaviṃssati kīmanaṇa rajjena phalaṃ rajjaṃ tasseva dīnaṃ hotu’’ti vatvā kaṃci ajānāpetvā pariṃsāvanamattaṃ gahetvā dullakkhiyamānaveso dakkhiṇadvārena nikkhamitvā malayadesaṃ gacchanta

87. Sadāsantuṭṭhacittānaṃ sakkā sabbattha jīvitū;  
Kutra nāma na vijjanti phalamūlajallāyā.

88. Iti cintayanto kamena gantvā hatthavanagallaṃ nāma mahantaṃ araññāyantaṃ pāvīsi,  
aviralapavālakusumaphalasaṃjannavisālasākhamaṇḍalehi uccāvacehi panassahakārapittha  
tīmarujambirajambuvibhita kāmālaka bharīta katirītakasālasaralavakula punnāga  
nāgakandambakāsoka nīpacampaka bhintālatālappabhūtihi vividhatarugaṇehi samākīṇṇaṃ  
vipulavimalasiluccayapariyapariyantasañhatanadīsambhedatitthopasaṃkanta  
vividhamigayuthavihagavagganisevitaṃ mahesakka devatādihiggahītaṃ naṇḍanavanakamanīyaṃ  
suḷabhamūlaphalasalila sukhopabhogaramaṇīya taṃ mahā kānnaṃ oloketvā idaṃ me tapovanaṃ  
bhavitumarahatiti katālayo kāyavivekacittavivekānaṃ lābhena ekaggamānaso  
mettāvihāramanuyujantovaññajīvikāya saṃjanitasantosavippharaṇapinītakāyo vāsaṃ kappeti.

Iti abhinikkhamanaparicchedo sattamo.

89. Goṭhābhayopi rajjaṃ patvā katipāhaccayena “mama caṇḍatāya vīratto pajāvaggo manāṃ  
paviṭṭhaṃ saṅghabodhiṃ ānetvā rajjaṃ kāretuṃ kadāci ussahatī”ti saṃjātaparisaṅko taṃ mārāpetuṃ  
vaṭṭatīti abhisandhāya “saṅghabodhirañño yo sīsaṃ ānessati tassa sahaṃsaṃ pāritosikadhananti nagare  
bheriṃ carāpesi. Tato malayadesasiko koci duggatapuriso attano kaccena puṭabhatta ādāya vana  
maggena gacchanto bhोजना velāya soṇḍisamīpe nisinnaṃ saṅghabodhirājānaṃ disvā tassa ākappena  
pasannahadayo bhattena taṃ nimantesi rājā taṃ nasampaṭicchi. So purisonāhaṃ nihīna jātiyaṃ jāto na  
pānavadhaṃ jīvikāya jīvanto kevaṭṭo vā luddako vā bhavāmi atha ko uttama vaṇṇehi paribhogārahe  
vaṃse sañjātomhi mama santakamidaṃ bhattaṃ bhottumarabhati kallyāṇa dhammikoti taṃ punappuna  
yāci. Atha rājā

90. Chāyaya gehaṃ sādḥāya seyyaṃ vatthaṃ tacenaca;  
Asanaṃ thalapattehi sādḥenti taravo mama.

91. Evaṃ sampanna bhogassa na taṇhā parasantake;  
Tava jaccādimuddissa garahā mama na vijjatīti.

Vatvā na icchi eva.

92. Atha so puriso bhūmiyaṃ nipajjanamassamāno nibandhitva yāci. Tato tassa nibaṇḍhanaṃ  
nivāretumasakkonto sagāraṃ sopacāraṃ dīyamānaṃ bhattañca sakaparīssāvanaparīputapānīyañcā  
paribhuñjitvā hatthamukhadhovanena parisamatta bhatta kicco annohaṃ katupakāro kīdisamassa  
paccupakāraṃ karissāmīti cintayantova taṃ abhimukhīkariya “anurādhapure kā pavattī”ti pucchi, atha  
so puriso pubbarājānaṃ palāpetvā goṭhābhayo nāma rājā rajjepatiṭṭhahitvā siri saṅghabodhirañño yo  
sīsaṃ ādāya dasseti tasha sahaṃsaṃ pāritosikadhananti nagare bheriṃ carāpesi kirāti suyati”ti.

Tassa vacana samanantarameva tuṭṭhapahaṭṭhahadayo mama sahaṃsārahasīsādānena idāni etassa  
paccupakāro kato bhavissati ajjhattikadānattā dānapāramitāva koṭippattā bhavissati idañca vatare-

93. Na puti pugīphalamattakampi,  
Agghanti sīsāni cichivītaṃ;  
Sīsantu me vattati bodhiyā ca,  
Dhanassa lābhāya ca addhikassa.

Api ca.

94. Nāḷivanasseva rujākarassa,  
Putippadhānassa kalebarassa;  
Dukkhanubhuta paṭijaganne,  
Sadatthayogā saphalaṃ karomīti-

Cintetvā kataticchayo “bho purisa sobhaṃ pīrī sirisaṅghabodhi rājānāma, mama sīsaṃ gahetvā

gantvā rañño dassēhī’ ti āha. So taṃ sutvā “deva nāhamevaṃ vidhaṃ mahāpātaka kammaṃ āvajissāma bhāyāmi’ ti āha.

**95.** Atha rājā “mā bhāyi kahāpaṇasaggassalābhāya ahameva te upāsaṃ karissāmi kevalaṃ tvaṃ mayā vuttaniyāmeva paṭipajjā’ ti vatvā sahassalābhagiddhena tena pathikapurisena adhvāsīte sīsacchedāya satthaṃ alabhamāno dhammādhiṭṭhānateja sā sīsaṃ saṇḍhito visuṃ karitvā dassāmīti cintetvā pallākaṃ suṇṭhiraṃ baṇḍhitvā mamedamaṃ sīsadānaṃ sabbaññūtaññaṇa paṭilābhāya paccayo bhavatūti somanassapubbakampatthanaṃ katvā taṃ purisaṃ attano samīpaṃ āmantesi. So adhikapuriso pubbe adhiṭṭhāsutapubbadukkarakamma dinnamaṃ sīsaṃ gahetvā anurādhapuraṃ gantvā dissemi kotaṃ sañjānāti kotaṃ saddahissatīti, atha so goṭṭhābhayo sace tena saddahissati ahavettha sakkhihutvā sahassaṃ dāpessāmi tayātu tattha evaṃ kattabba’ nti paṭipajjitabbā karaṃ upadisitvā ehisappurisa mma santike mbaṇato hutvā ubhayartthalānaṃ ekīkaraṇavasena añjaliṃ katvā bāhuṃ pasārehīti vatvāubhosu passesu nīlamaññāsamaññānaṃ nāliṃ ujubhāvāpādanena kaṇḍhanālaṃ sammā ṭhapetvā salilaparissāvanne sīsasaṇḍhiṃ jala lekhāya paricchaṇḍitvā sakena dakkhiṇa hatthamuṭṭhinā culābaddhaṃ daḷhaṃ gaṇhitvā yāva mama sīraṃ ādāya addhikaṃ purisassa hatthe samappemi tāva mama cittakiriya vāyo dhātuvego avicchinno pavattatūti adhiṭṭhāya culābaddhaṃ uddhābhimukhaṃ ukkhipi. Tāvadeva sīsabaṇḍho puthubhūto hutvā tena dakkhiṇa hattha muṭṭhināgahitoyeva paggharantiyā lohitadhārāya saddhi addhikassahatthāle paṭiṭṭhāsi, tasmīyeva khaṇe vanādhivatthā devatā sādhuvadāmaukharā pupphavassaṃ vassāpetvā sīsassa ārakkhaṃ gaṇhiṃsu.

**96.** Saṃsattaratta kalale ddhikapāṇikhetteta,  
Nikkhitta sīsa varabīja samubbhavāya;  
Etassa dānamaya pāramitālatāya,  
Sabbaññūtā phalaraso janataṃ dhinotuṃ.

**97.** Atha so addhikapuriso sugaṇḍhavana kusuma mālāhi taṃ sīsaṃ alaṃkaritvā pugakuhulikāpuṭe pakkhipitvā sīghagati vegena anurādhapuraṃ gantvā goṭṭhābhayassa dassesi, so taṃ disvā sañjanitu masakkonto saṃsayappatto aṭṭhāsi. Atha addhikapuriso raññā vuttavidhi manussaranto taṃ sīsaṃ gahetvā ākāse khipitvā “sāmi! Sirisaṅghabodhimahārāja! Tva mettha me sakkhibhavā’ ti añjalimpaggahetvā ākāsa muddikkhamāno yāci, atha taṃ devatādhiggahitaṃ sīsaṃ nirālambe ambare laddha paṭiṭṭhaṃ goṭṭhābhayassa abhimukhaṃ hutvā.

**98.** Rājā hameva suhado sirisaṅghabodhi,  
Sīsappadāna vidhināsmi samiddhicitto;  
Tvaṃ cāsi rajja sirilābha sukhena deva,  
Esova hotu paṭipanna sahassalābho’ ti āha.

**99.** Taṃ sutvā goṭṭhābhayo sāmacco vimbhītahadayo sīhāsanaṃ sajjetvā upari setacchattaṃ kāretvā idha deva! Otarāti yācitvā tattha oṭiṇṇaṃ taṃ sīsaṃ nānāvidhāhi pūjāhi ārādhētva namassamāno khamāpetvā mahatā mahena ālāhanakiccaṃ kāretvā anikaṃ kahāpaṇasahassena tosetvā uyyojesi.

Iti ajjhattikadāna paricchedo aṭṭhāmo.

**100.** Sirisaṅghabodhi rañño mahesī pana rañño palātabhāvaṃ ñatvā “ahañca taṃ anubbajāmi’ ti aññatara vesena dakkhiṇadvārena nikkhamitvā maggaṃ ajānanni ujukamaggaṃ pahāya taṃ taṃ gāmaṃ pavisitvā sāmikaṃ apassantī bhayena sālīntāya ca pacchitumpi asahamānā malaya desa meva gatoti cintetvā vaṅkamaggena gacchantī komalatāya sīghaṃ gantumasakkonti kālaṃ yāpetvā tassa araññāyatanassa samīpagāmasmiṃ raññosisadānappavattim sutvā “sā haṃ varākī dassanamattampi nālattha’ nti soka pariṇaṇḍayā tameva vanasaṇḍaṃ adhiruyha bhattuno kalebaraṃ vicinanti samīpagāmesu mahajanaṃ pucchanti avandinasāniketattā tattha tattha vicaranti samīpagāmaṃ vāsino bālakā gopālakā kaṭṭhabhārikā itthiyo ca etissā vilāpaṃ sutvā kampita hadayā tāya saddhiṃ vicaranti. Sā evaṃ cilūpamānā bhīmīyaṃ supupphitaṃ vimalavālukaṃ vanagumbaṃ disvā tattha nipatitvā bhūmīyaṃ parivantamānā atikaruṇaṃ vilāpamakāsi, so padeso ajjāpi vidhavācana’ nti vohārīyati.

**101.** Sā mahatā rodante rodanena taṃrattimta ttheva khepetvā puna divase ito cito ca vicaranti

mahatā sokagginā ḍayhamānā santāpaṃ adhvāsetuṃ asakkonti ekasmiṃ khuddaka jalāsaye nipatitvā nimuggaṃyeva mucchāvegena dve tayo muhutte ativāhetvā upaladdhapaṭibodhā pariḷāhaṃ nibbāpesi, taṃ ṭhānametarahi ca “nibbāṇa pokkharāṇī”ti ca samaññaṃ alabhi.

**102.** Tato uṭṭhahitvā anubhūmiṃ anurukkhaṃ anusilā talaṃ gavesamānā soṇḍi samīpe sayamānaṃ devatādhiggahena sigālādīhaanupahataṃ sukkhaṃ kavaṇḍharūpaṃ dīsvā sokavega phalipataneva hadayena daḷhataṃ taṃ alimḡitvā sayi, tāva bhone vekallena durāgamanena tattha tattha nipatita sarīra ghātena ca nilanta rūpā mucchā samakālameva kālamakāsi.

**103.** Samīpagāma vāsino sannipatitvā muddhābhi sittassa rañño ca mahesiyā ca sarīraṃ amhādisehi phusituṇca na yoggaṃ, vattamānassa rañño anivedayitvā ālāhana kiccaṃ kātumpi na yuttanti sammanetatvā vassātaṃ nivāraṇāya kuṭiṃ katvā tiracchānappavesanisedhāya vatiṇca katvā pakkamiṃsu.

**104.** Goṭṭhābhayo siriśaṅghabodhirājassa anañña sādharmaṇa guṇappabaṇḍhaṃ anussaranto daharakālato paṭṭhāya vatthuttaya saraṇaparāyaṇataṃ niccaṃ sīlarakkhaṇaṃ sugatāgama vicikkhaṇataṃ sakalalākōsallaṃ rajje anathikataṃ dānaśoṇḍa taṃ rakkhasadamanādikaṃ dukkaracaritakaṇca tassa nāma sacetanassa na pitimāvahati visesato “addhikaduggatassa sahassa lābhāya sahatthena sīsaṃ kaṇṭhanālato uddharitvā dānaṃ sīsassāpi nirālambe ākāse avatṭhānaṃvyattatarāya girāya sādhippāyañcetaṃ nivedanañceti acchariyaṃ abbhutaṃ adhiṭṭhapubbaṃ assuta pubbaṇca nimmalacaritaṃ mama mahāparādhakalanike neva saddhiṃ cirakālaṃ pavattīssati, aho ahaṃ suciraṭṭhāyinaṃ īdisena akittīssaddena sādhuhi niṇḍaniyo bhavissāmi visesato pana niccakālaṃ kalyāṇa mittabhūtaṃ īdisassa mahānubhāvassa anaparedhassa mahāpurisassa rajjaṃ acchiṇḍitvā vadhaṃ kāresiṃ aññadatthu mittadubhikammaṃ ahaṃ paḷiveṭṭhito bhavissāmi”ti cintettoyeva bhayasantā pehi nikkhanta sedo pavedhamāno kathamidisā mahāpāpā mocessāmīti upa parikkhī.

**105.** Atha tassa daṇḍakammaṃ karaṇavasena ulāraṃ taraṃ kusalakammaṃ kātabbanti paṭibhāyi. Atha so amacce sannipātetvā tehi saddhiṃ sammantevā kata nicchayo mahā saṅgheneva tatheva anusitṭho mahatā balakāyena saddhiṃ gantvā tassa araññāyatanassa avidūre senāsannivesaṃ kāretvā tassa mahāpurisassa dukkarapadāna sakkhībhūtaṃ puññaṭṭhānaṃ sayameva gantvā soṇḍikā samīpe anurūpaṭṭhānaṃ sallakkhetvā attano rājānubhāvaṃ dassento ālāhanaṭṭhānaṃ devanagaramiva alaṅkārapetvā kevalehi mahantehi caṇḍanaḍāruhi uccataraṃ citakaṃ kāretvā bhārena pamāṇena ca rañño sīsasadiṣaṃ jambonadakanakehi sakaṇṭha nālaṃ sīsākāraṃ sippihi kāretvā kavaṇḍharūpe saṅghaṭitvā vividha ratana samujjalaṃ suvaṇṇakirīṭaṃ pilaṇḍhāpetvā mahesiṇca tatheva alaṅkaritvā te ubhopi kāghikavattasadiṣehi mahaggha dukulehi acchādetvā anekaratanakhacitaṃ suvaṇṇasayanaṃ āropetvā caṇḍana citakamatthake ṭhapetvā parisuddhajoti pāvakaṃ jāletvā aneka khattiyakumārāparivārito sayameva tattha ṭhatvā anekasappighaṭasatehi siñcitvā ālāhana mahussavaṃ kāresi.

**106.** Tatheva dūtiya divasepi mahatā jaṇena ālāhanaṃ nibbāpetvā tasmimṃ ṭhane cetiya bhavanaṃ vaṭṭulākāretuṃ vaṭṭatīti cintetvā amacce āmantetvā etarahi anekabhūmikaṃ ativīsālaṃ kanakamaya vaṭṭulagharaṃ kāretuṃ sakatā āyati pariḷākaṇaṃ abhāvena nappavattati raṭṭhavilepakāpi suvaṇṇalobhena nāsenti tasmā alohanīyaṃ sukhapariḷārahāṃ pamāṇayuttaṃ vaṭṭulagharaṇca cetiyaṇca nacirasseva kātuṃ yuttanti mantetvā mahābalakāyaṃ niyojetvā vuttaniyāmeneva dvibhumakaṃ vaṭṭula bhavanaṃ nimmāpetvā tassa abbhantare sugatadhātunidhānaṃ pūjanīyaṃ cetiyaṇca kārapetvā mahussadivase mahāsaṅghassa taṃ dassetvā “eso bhante siriśaṅghabodhi mahārājā pubbe ekacchattena laṅkātale rajjaṃ kāresi, idāni mayā tassa rañño cetiyarūpassa kittimaya sarīrassa chattādhichattaṃ viya dvibhumakaṃ vaṭṭulavimānaṃ kāretvā cetiyasīse kirīṭaṃ viya kanakamayaṃ thūpikaṇca yojetvā sabbehi devamanussehi māna nīyataṃ caṇḍaniyataṃva pāpito”ti vatvā cetiyagharassa anekāni gāmakkhettāni parosahassaṃ parivārajanāṃca niyādetvā pabbatapāde anekasatāpāsāda parivenacaṅkamana rattitṭhāna divāṭṭhāna dhammasālāgopurapākārādi avayavasahite vividhe saṅghārāme kāretvā tattha vasantassa anekāni saḥassassa bhikkhusaṅghassa niccaṃ paccayaḷābhāya anekāni saparijanāni gāmakkhettāni datvā “mahā lekharatṭhassa samussitadhajāyamāno ayaṃ mahāvihārolaṅkā bhūmisāmikānaṃ khattiya janānaṃ kuladhanabhūto sabbehi khattiyehi aparihāpaniya vibhavo niccaṃ pālāniyo”ti mahājanakāyassa majjhe khattiya

kumārānaṃ ādisitvā anurudhapuraṃ gatopi tasse ca pāpakammaṃ nirākaraṇāya tesu tesu vihāresu mahantāni puñṇakammāni kāropesi, tatoppabhūti laṅkādhīpaccāmapagate hi khattiyehi mahā maccādīhi ca so hatthavanagallamahāvihāro antarattarā paṭisaṅkharīyamāno aparihīna parihāro pavattataki.

Iti vaṭṭulavimānuppatti paricchedo navamo.

**107.** Athāparena samayena kadāci kasmim vihāre nivasato mahā bhikkhusaṅghassa antare keci mahāthero ambhokāsiko hutvā antovihāre ekasmim padese nisiditvā bhāvanamanuyujanto vipassanaṃ vaḍḍhetvā mahāmedaniyā nigghosena ākāsaṃ pūrento arahattaṃ pāpuṇi.

**108.** Tadā upatisso nāma rājā rajjaṃ kārento nisīthasamaye bhayāvahaṃ taṃ pathavisaddaṃ sutvā kiṃ vā mebhavissatiti santāpena niddaṃ alabhamāno sokena santappeti, atha taṃ setacchattā dhivatthā devatā “mahāyi mahārāja! Ito kāraṇākidvite avamaṅgalaṃ natthi hatthavanagallamahāvihāre keci mahāthero arahattaṃ pāpuṇi”ti āha, tassa arahattappattikāle pathaviniggosassa kāraṇaṃ kiṃtu vutte so thero pubbe puñṇakammaṃ karento ākāseṇa saddhim pathaviṃ unnādetvā arahā bhaveyyanti patthanaṃ ṭhapesi tassa phalamidanti samassāsesi.

**109.** Taṃ sutvā rājā avasesabhikkhūnaṃ arahatthappattito visiṭṭhataro tassa kilesavijayoti pasannahadayo taṃ mahātheraṃ namassitvā tassa asavakkhayassa mahussave āsanabhūtaṃ bhumiṃpadesadva pāsādakaraṇavasena sammānisāmīti cintetvā mahābalakāyamādāya tattha gantvā tasmim padese pañcabhūmakam mahāpāsaṃ kāretvā vividha cittaṅgamaṃ samalaṅkārapetvā kanaka khacita tambamaya pattharehi chādetvā devavimānaṃ viya sajjetvā taṃ khīṇāsava mahātheraṃ sabhikkhusaṅghaṃ tattha vāsetvā catūhi paccayehi upaṭṭhāpetvā saparijanāti gāmakkhettāni pāsādasantikāni katvā pakkāmi.

**110.** Tato dīghassa addhuno accayena malayadesavāsino keci corā ekato hutvā gāmaṃvilopaṃ katvā mahantena dhanalābhenamattā dhaṇaṃ datvā balakāyaṃ uppādetvā yebhuyye serino hutvā mahanta mahante vihāreva vilumpanā suvaṇṇapatttharacchadanaṃ gaṇhantā mahāpāsādaṃ viddhaṃsitvā pātayimsu.

**111.** Tadā moggallāno nāma rājā rajjaṃ kārento taṃ pavattiṃ sutvā tesam santike care pasetvā dānasāmbhedehi aññaṃaññaṃ bhīṇdi, te corā bhīṇdantā itaretarehi yujjhivā sayameva dubbalā ahesuṃ, athaso rājā te asamagge ñatvā attano senaṃ gahetvā tattha gantvā te visuṃ visuṃ gahetvā niggaṃyha raṭṭhe abhayabherim carāpetvā janapadaṃ suppatiṭṭhitam katvā tehi apaviddhavihāre pākātikāle kāretvā mahāpāsādaṃ suvaṇṇa gaṇhanakāle pātesuṃ tī sutvā “pubbeviya suvaṇṇapatttharehi chādito pacchāpi īdisi vipattijāyissati”ti ñatvā tebhūmakam kāretvā yathāpure pāsādaṃ nimmāpetvā mattikā pattharehi chādetvā vaṭṭulabhavanaṃ paṭisaṅkhāretvā sabbasaṅghārāmaṇca pākātikaṃ kāretvā pakkāmi.

Iti pāsāduppatti paricchedo dasamo.

**112.** Atha laṅkālaṅkārabhūtesu visālapuñṇiddhivikkamesu ratanattayamāmakeṣu aneṣu laṅkānāthesu kittipuñṇāvaseseṣu jātesu apetaṇītimaggesu rajjaparipānocaividhānavirahitesu mudubhūkesvevāmaccajanesuca yebhuyyena aññaṃaññaṃ viruddhesu vattamānesu laṅkāvāsīnaṃ purākatena kenāpi dāruṇena pāpakammunā nānādesavāsīnī aviditasatthusamayā pavatṭhamicchādīṭhigahaṇā paccatthisenā jambudīpā idhāgamma sakalalaṅkāpāṃ anekātaṅka saṅkulamakāsi.

**113.** Tadātāya paccatthisenāya gāhātaraṃ nippīṭṭiyamānā rāja rāja mahāmatṭādayo anekasahassajanakāyā ca bhayavakitahadayāsakatāṇa gavesino jaḍḍitaḍḍāmanigamanagarā tattha tattha gariduggādo kicchena vāsaṃ kappesuṃ tato sugatadasanadhāturakkhādhikāta uttaramūlavāyino mahāyatayo dantadhātudva pattadhātuvaradva gahetvā kunnamalayābhīdhānaṃ giriduggaṃ duppavesamjanapadamupāgamma tatthāpi tampaṭṭijaggitumasamatthā bhūmiyaṃ nidabhitvā yathākāmaṃ gatā.

**114.** Tato pubbe jayamahābodhidumiṇḍena saha sakalajambudīpādhipatinā dinakarakulatilakena dhammāsokanariṇḍena pesitānaṃ attanā samāna gottānaṃ rājaputtānaṃ nappannatādiparamparāgatassa vijayamallanarādhipassa orasaputto vijayabāhu nariṇḍā nāma rājā suciññātabbasamayantaro sattasamāciṇṇa sunītipatho sampannabalavāhano jambuddoṇiṃ nāma puravaraṃmāpetvā tattha vasanto mahatā balakāyena katasakalapaccatthivijayokunta malayabhūmippadesato bhagavato dantadhātubhaṭṭārakaṃ pattadhātuvaraṅca āharāpetvā surasandanasadīsamativirocamānaṃ vimānaṃ māpetvā tasmīṃ taṃ dhātuyugaḷaṃ nivesetvā mahatā upahāravidhānā sādaramupaṭṭhahanto bhagavato caturāsītidhammakkaṇḍhane mahantaṃ praññāpadānaṃ janayanto dhammikasirisāṅghabodhimahārājasirodānāpadānasiddhaka khattabhute anekakhīṇāsavasahassa caraṇarajopariputamanoharabhūmibhāge goṭṭhābhayamahārājena kārite hatthavanagallamahāvihāramaṇḍanāyamaṇe vaṭṭulavimānepurā raṭṭha vilopāgatāya colake raḷādikāya tīthiyasenāyamaḥācetiyaṃ udare bhinnamate jīvite viya dhātubhaṭṭārake antarahite hadayavattumaṃsamīva suvaṇṇarantādīkama paharivā viddhantaṃ piṇṇudhāravidhīnā paṭisaṃvaronto pupphādhanatta yato paṭṭhāya sakkaccaṃ vināpetvā mahantaṃ suvaṇṇa thūpikāmbhadva kāretvā saparijanāni gāmakketādiṇi ca datvā tattha nivasantānaṃ bhikkhūnaṃ nibaddhadānavatṭaṃ paṭṭhapetvā taṃ hatthavanagalla mahā vihāraṃ sabbathā samiddhamakāsi.

**115.** Atha tasmīṃ laṅkānāthe kittisarīrāvasese jāte tassa tujavaro parakkamabhūjo nāmarājā ambhākaṃ bhagavato arahato sammāsambuddhassa bodhimūle nisīditvā mārabalaṃ vidhametvā sambodhirajjappattito paṭṭhāya aṭṭhasatādhikavassasahassee catuvisatiyā ca vacchaesu atikkantesu sampattarajjābhiseko anekavidhasaṅghavattuhi saṅgahitamahājano catupaccayadānena satatasamārādhitā nekasahassabhikkhusaṅgho bhujabalavidhutārātīrājakulāvalepo aneka maṇi rattasamubbhāsitaratanakaraṇḍakaṅca pañcahi suvaṇṇasahasseehi sovaṇṇakaraṇḍakaṅca pañcavīsatiyā rajatasahasseehi rajatakaṇḍakaṅca dāṭhādhatubhadantassa kārapetvā atīca pasannahadayo suhumuttēna tattha sampayanto attanonagaraṅca dhantadhātumaṇḍiraṅca sakkaṅcaṃ samalaṅkārapetvā bahumāna purassarodasanadhātuvaramādāya anekāni bhagavato cariyāpadānāni samanussarivā purā nekabhupatayo pāṭihīrasaṇḍassanena pasādītā iti pavattakathāmatarasēna me savanayugaḷaṃ paripīnitamadhunāpi kenaci pāṭihīriyavisesēna mama cakkhupaṭilābho saphalo kātābboti sādaramārādhanamakāsi.

**116.** Tasmīṃ khaṇe sā dasanadhātu tassa karapaṅkaje rājahaṃsivilāsamātanvatī pāṭihīramakāsi. Kathanti ce? Yathā antimabhāve mātu tucchito jātāmattova bodhisatto naravarakaratanādukulacumbaṭakato otarantova bālo samānopi soḷasavassuddesiko viya amaṇḍitopi anekavattābharaṇavibhusito viya bhūmiyā gacchantopi ākāseṇa gacchanto viya sabbesaṃ janānaṃ paṭihāsi, tatheva tattha tadā dantadhātubhaṭṭārako sugabimbā kāra salakkhaṇāvayavēna rūpeṇa bhāsamāno anekavidharaṃsinikare vikiranto tattha santipatitānaṃ janānaṃ mānaṃ jānesi. Vuttañhi.

**117.** “Laṅkādhināthakarapaṅkaja rājahaṃsi,  
Nimmāya sā dasanadhātu muniṇḍarūpaṃ;  
Nekehi raṃsivisārehi samujjalantī,  
Sabbādisā ca vidisā samalaṅkarittha.

**118.** Disvā tamabbhūtamāṭica pasannacitto,  
Sampattacakkaratano viya cakkavatti;  
Seṭṭhehi nekaratanābharaṇādikehi,  
Pūjesi dhātumasamaṃ manujādhinātho.

**119.** Tato jinadantadhātuvarappasādakālamhi tejobalaparakkamamahimo parakkamabhūmahānariṇḍo pulatthipurānivāsiniṃ kataloka sāsana vilopaṃ sarājīkamanekasahasasamkha colakeraḷavāhinica nekadesamahipālamattamātaṅakesarivikkamaṃ duratikkaṃmaṃ lokasāsanaṅghakaraṇavasēna vacitasakalalokaṃ sampannabalavāhanaṃ laṅkārajagahaṇatthinaṃ tambaliṅgavisayāgatamatisāhasaṃ vaṇḍabhānumanujādhipaṃva sasāmantakabhāvanamupaṇīya sakala laṅkāpamekacchattaṃvidhāya attanopitumahārājato diguṇaṃlokasāsanaṅghaṃ karonto kadāci saṅghassa kaṭṭhinacīvarānidātukāmo kappāsaparikkamkantānādīkāni sabbakaraṇīyāni ekāhēneva natṭhapetvā paccekamanekamahagga garubhaṇḍamaṇḍitāni sasāmaṇīkapaṭikkhārāni asītimattāni kaṭṭhinacīvarāni dāpetvā lokassa

sādhuvādena dasadisam pūresi.

**120.** Evamaññānīpi bahūni lokavimbhayakarāni puññapadānāni sampādentō so parakkamabāhumahānariṇdo hatthavanagalla vihāre attano pitumahārañño ālāhanaṭṭhāne mahācetiyaṃ baṇḍhāpetvā tattheva añekakhīṇāsavasahassaparibhuttaṃ pāsādavaraṃ cirakāla cinaṭṭhaṃ sutvā dhanuketakivatthuvaṃse jātaṃ saddhādiguṇasampatti samuditaṃ patirājadeva nāmakam amaccavaraṃ pesetvā tena anekasahassadhanapariccāgena bhūmittitayamaṇḍitaṃ sumanobharaṃ pure piyataṃ pāsādaṃ kārapetvā tattha nivasantānaṃ anekasaṃ bhikkhunaṃ nibaddha paccayadānaṃ pavattesi.

**121.** Tattheva vaṭṭulavimānassa heṭṭhimatale gopānasiyo ṭhapetvā samantā chadanarūpaṃ kāretvā dvibhumakaṃ vimānaṃ tibhumakamakāsi tatthevalaṅkādiṇe abhūtapubbaṃ jinamaṇḍiraṃ kārapetukāmo vaṭṭulavimānato uttaradisābhāge paṭhamaṃ porisappamānaṃ silātalapariyantaṃ khaṇitvā paṃsūni apanetvā nadīvālūkāhi pūretvā kuñjararājāvirājitaādhāraṇḍhakato paṭṭhāya yāva phupikaṃ aṭṭhaṃsavibhāgena bhitticchadanāni vibhattāni katvā paccekam nānāvāṇṇavicittānamatṭhavidhānaṃ bhittibhāgānamupari keliparihāsarasaṃjanakanānāvesavilāsabhūsitapahūtabhūtakimkaraparigataviṭaddhakamaṇḍalamaṇḍitaṃ pamukhapariyante vividhacittarūpamanoharamuccataraṃ idhikāhi nivitaṃ katasudhāparikammaṃ makaratoraṇamaṇḍalañca nimminivā antoviracitāti manoharamālākammalatā kammādi nānāvidha cittakamma samujjalaṃ suvihitasopānavārakavāṭaṃ samalaṅkataṭṭhānalīlhamanohara sajjīvajinasam kāsapaṭibimbarūpavibhūsitam paṭibimbassa dakkhiṇato ghanasilāvihita sugatarūpapatimaṇḍitaṃ tibhūmakam mahā vimānaṃ kāresi.

Iti aṭṭhaṃsa vimānuppattiparicchedo ekādasamo.

**122.** Viddhastasaṃkharāṇato navakammunāvā,  
Khetṭādidānavidhināca anāgatepi;  
Ye sādhave pariharanti imaṃ vihāraṃ,  
Nāmadva kāraṃpi tesamihālikhantu.